



Ban Boneiru Bèk

P.O. Box 194 Bonaire CN

T + 599 717 4518

E info@banboneirubek.com W banboneirubek.com

Chamber of Commerce: 7503

MCB bank Bonaire: 1155.588.01 Swift code MCBKBQBN



KOMUNIKADO DI PRENSA 1 novèmber 2016

Study & Career Event ta yuda alumnonan ku nan eskoho di estudio.

Durante e Study & Career Event (SCE) Bonaire 2016 eskoho di estudio ta pará sentral. Na skol avansá bo ta siña kosnan nobo tur dia, pero ta importante tambe pa para ketu na kiko bo ke bira despues. Pues sòru pa bo t'ei djaluna 7 di novèmber na Jong Bonaire!

Bishita di alumnonan di SGB

E aña aki e organisashon a skohe pa tene e evento riba un djaluna. Pakiko? Rosemarijn de Jong ku ta kordinadó di e evento, ta splika: “E añanan anterior e marshe tabata bon bishitá sí, pero tòg nos ta di opinion ku no ta tur persona di nos grupo di enfoke, e grupo pa ken netamente nos ta organisá esaki, tabata bishitá e evento. Nos grupo di enfoke ta prinsipalmente alumnonan den e último klasnan di enseñansa avansá ku pronto mester skohe kiko nan ta bai studia despues. Esei ta e motibu prinsipal pa organisá e evento riba un dia den siman, asina klasnan por bishitá e SCE ku nan mèntòr.

Programa di mainta

E programa ta lo siguiente: entre 9:00 i 13:00 or e klasnan mas haltu di tur nivel di SGB ta bishitá e Study Career Event: vmbo, mavo, havo, vwo i mbo. Lo no bai tin solamente poster i foyeto pa duna informashon, pero tambe diferente demonstrashon i quiz interesante. Dunadónan di trabou i institutonan di enseñansa ta bai hasi lo máksimo pa yuda nos alumnonan pa hasi un bon eskoho di estudio!

Ademas di bishitá e marshe di informashon, kada alumno por atendé un tayer di nan eskoho. E tayernan aki tin temanan amplio manera por ehèmpel “College Search in the USA” duná pa Flagler College di Florida, òf “Hospitality” duná pa Bonaire Hotel And Tourism Association (Bonhata).

De Jong ta bolbe enfatisá pakiko ta importante pa organisá un evento manera e Study & Career Event na Boneiru. “Manera mi a menshoná kaba, e alumno den e klasnan mas haltu di enseñansa avansá ta pará dilanti di un eskoho sumamente importante den su bida: kiko mi ta bai studia, kua profeshon mi ta skohe? Ta bira mas i mas nesesario pa hasi e eskoho korekto for di kuminsamentu, pasobra último añanan tantu e instansia ku ta duna finansiamentu komo hopi instituto di enseñansa ta pone mas eksigensia pa loke ta trata durashon di estudio. Sinembargo, aki na Boneiru no ta asina fásil pa hasi bo eskoho pa motibu di e distansia grandi entre Boneiru i kasi tur e institutonan di enseñansa. P’esei ta difísil pa bishitá e dianan habrí di mayoria di e institutonan.



Ban Boneiru Bèk

P.O. Box 194 Bonaire CN

T + 599 717 4518

E info@banboneirubek.com W banboneirubek.com

Chamber of Commerce: 7503

MCB bank Bonaire: 1155.588.01 Swift code MCBKBQBN



Habrí anochi tambe

E aña aki e marshe di informashon ta habrí anochi tambe di 17:00 te ku 19:00 or. Alumnonan ku a bira entusiasma mainta por bolbe un ratu huntu ku nan mayornan; alumnonan di otro klas por pasa i naturalmente tambe tur persona ku di un òf otro manera ta interesá den estudio òf profeshon. Tur ta bonbiní!

Scan e QR-code pa e último informashon riba nos website. Finalmente nos ke yama danki na e instansianan i empresanan ku ta yuda hasi e evento aki posibel: RCN-OCW ku ta duna sosten finansiero, Telbo ku ta instalá internèt kompletamente grátis i Green Label ku ta sòru pa dòrna e lokalidat ku bunita mata.

Nota pa prensa

Pa mas informashon òf si tin kualke pregunta, por fabor tuma kontakto ku Rosemarijn de Jong, kordinadó di Study & Career Event Bonaire 2016. Tel.: +599 701 9797; e-mail studyfairbonaire@gmail.com.